

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

661. Vndenam constare possit, an valor beneficii excedat 24. ducatos,
cùm singulis annis sit fructuum diversitas.
-

[urn:nbn:de:hbz:466:1-74485](#)

pellania est sacerdotalis, & residentiam personalem requirens ; tunc enim stipendia correspondentia illis missis sunt verè proventus beneficij, competentes beneficiato ob hoc ipsius beneficij servitium. Castrop. loc. cit. citans Cassad. decif. 19. de probab. Garc. num. 169. id intelligens, etiam in ordine ad effectum regula de valore.

5. Quartò : in valore beneficij in ordine, ut illud conferre possit Nuncius, deducenda est pensio quā gravatum est beneficium , si ea perpetuò sit imposita beneficio, hoc est, néque cum vita pensionarii, néque cum vita beneficiati exspirans, ita ut is illud conferre non possit, si deducta dicta pensione adhuc valor fructuum excedat dictos 24. ducatos. Castrop. loc. cit. n. 11. Garc. n. 173. idem tanquam probabilius tenet Castrop. citans pro hoc Gigas de pens. q. 89. n. 1. (contrarium sententiibus Garc. n. 171. Belenz. de subsid. charit. q. 37. Puteo l. 3. decif. 202. & Rotà decif. 184. l. 3. q. 3. divers. apud Castrop.) nimur pensionem hanc reputandam adhuc onus perpetuum , ac proinde ex valore beneficij deducendum esse, ita ut, si illo deducto non maneat valor 24. ducatorum , cadat sub collatione Nuncii, dum imposita est ad vitam beneficiati, vel etiam pensionarii; eò quod satis perperum sit, quod non habet terminum alium à vita, juxta l. juris peritos. ff. de excusat. Tutor. & l. sufficit. ff. de condit. indeb. & Tiraq. de retract. conventionis. §. 2. gl. 1. n. 39. & quod valor beneficij desumendus comparatione beneficiarii , ita ut tantum censeatur valere beneficium, quantum remanet beneficiario detractis oneribus : & licet pensionarius mori possit ante beneficiatum , ac ita remanere beneficiato fructus integri excedentes 24. ducatos; quia tamen etiam contrarium evenire potest, ut beneficiatus moriatur priùs , ratione hujus dubium censendum non sit, beneficium valere, nisi quod valer deducta pensione. Idem pari modo procedere tenet Castrop. tam in ordine ad regulam de valore exprimendo, quam in ordine ad collationem à Nuncio faciead am de subsidio, quod ex privilegio Papæ ex quolibet beneficio extrahitur in gratiam Regis ad quinquennium; eò quod, speccato stylo & communi cursu rerum , hoc onus est perpetuum, dum dicta concessiones in quinquennium solent continuari in perpetuum, & unā finita succedere altera, nec fit spes cessationis, contrarium sententiibus Put. & Belenz. ubi ante. Gomes. in reg. de exprimendo valore. q. 1. & 3. n. 169. Gamb. de off. leg. l. 6. nu. 169. apud Castrop. in quorum sententiam inclinat tantum Garc. n. 178. quatenus dicit, id in ordine ad effectum expressionis valoris probabile sibi videri ; admittere scilicet tamen id non audere in ordine ad effectum facultatis Nuncii, quae est restricta & limitata.

Questio 661. Vndenam constare possit, num valor beneficij excedat 24. ducatos in ordine ad hoc , ut Nuncius providere possit; siquidem singulis annis est fructuum varietas, & beneficium, quod uno anno longè superat valorem 24. ducatorum, alio anno illum non attingit?

1. Respondeo primò : minus rectè hujus argumentum sumi ex tribus, aut etiam quinque annis præcedentibus ; quia id spatium nimis limitatum videtur, ut inde valor ille colligi possit ; cum sepe contingat in tam brevi spatio fieri con-

siderabilem mutationē in fructibus. Castrop. n. 13. Garc. n. 219. contra Mandos. in reg. 22. q. 5. n. 2. & Malcard. de prob. concl. 1403. n. 48, qui 5. annos statuunt.

2. Resp. secundò: neque argumentum hujus valoris sumi posse ex quinque annis ante, & quinque annis post provisionem beneficij; Sic enim validitas gratia Nuncii erit in pendente, seu pendebit ex futuro eventu (nisi forte beneficium vacasset per quinquennium post priorem de eo factam provisionem) quia sic, dum confert beneficium, constare ei non poterit de valore, sed exspectandus erit lapsus quinquennii. AA. iidem contra Gurtier, l. 1. qq. can. c. 39. num. 68. Paris. de resign. l. 10. q. 2. n. 55. Leon. in Thes. fori Eccles. c. 22. Gomes. in reg. de valore. q. ult. quare

3. Respondeo tertio : valorem beneficij ex decem annis proximis præcedentibus gratiam, computato sterili cum fertili, desumendum esse. Garc. à nu. 229. variis id probans Rotæ decif. Castrop. loc. cit. testans, sic observatum ex stylo Curia legem hac in parte faciente.

Questio 662. Penes quem sit obligatio probandi beneficij valorem, an penes provisum à Nuncio , an penes provisum apostolicum ; dum unus adversus alterum litigat?

R Espondeo : esse penes provisum à Nuncio unus probandi, quod beneficium sit infra valorem facultatis Nuncii, non obstante assertione Nuncii, & licet ab eo provisus sit prius provisus, & jam in possessione. Garc. n. 188. citans Felini in c. ad aures de rescript. n. 4. Gig. conf. 7. n. 5. Mohad. decif. 20. n. 1. de prob. &c. Castrop. n. 14. citans German. de indult. Card. §. ac irritum. à n. 27. eò ipso enim quod quis à Papa (utpote cui iure ordinario & reservationis omnes provisiores competunt) provisus sit, habeat intentionem suam fundatam, qualem non habet provisus à Nuncio ; cùm is sit extraordinarius , & delegatus collator : debet proinde fundare intentionem suam in alio, quod aliter facere nequit, quām probando beneficium contineri sub facultate Nuncii, adeoque probando non excedere valorem illum 24. ducatorum, alias succumbet, & deponetur. Adde, quod provisus à Nuncio, dum gratiam imperat, narrare necessariò debet, beneficium illum valorem non excedere, in qua narratione, cùm fundetur gratia à Nuncio facta, tenetur narrativam illam verificare, præsternit dum contradictem habet. Castrop. loc. cit. Nec obstat, quod Nuncius obligatus sit prius valorem beneficij explorare, ut gratia facta teneat, adeoque dum is de valore beneficii testatur, ei sit credendum, quamdiu contrarium non probatur; utpote de quo præsumendum, quod bene se desipper informarit. Nam licet exinde provisus à Nuncio habeat intentionem suam formatam, dum non excipitur: attamen, cùm à proviso apostolico, vel Ordinario contradicatur, hāc exceptione stante, eger novo fundamento; eò quod concurrat cum illo proviso apostolico, vel Ordinario habente fundamentum firmius, utpote à iure communī inductum , & sic prævalens contra fundamentum, quod habet provisus à Nuncio. Castrop. loc. cit. Verumtamen etiam, cùm provisus apostolicus reneatur exprimere valorem beneficij, quia est fundamentum gratia sua; adeoque ut gratia justificetur, hic maior probandus sit, dum nimur in sup-

plica